

## Ibu tunggal OKU tabah jaga tiga anak

**MORIB** - Dilahirkan sem-purna anggota, tidak pernah terlintas di fikirannya akan bergelar orang kurang upaya (OKU) yang hidup dengan se-belah kaki selepas terlibat ke-malangan jalan raya.

Bagi ibu tunggal, Norhayaton Sarhan, 50, yang perlu menyara tiga anaknya, dia terpaksa kuat dan tabah mengharungi dugaan dalam kehidupannya.

Menurutnya, sejak kemati-an suami, dia masih mampu menguruskan anak-anak dan membesarkan mereka walupun dengan berkerusi roda.

"Saya dapat bantuan ka-nak-kanak RM300 sebulan. Duit itulah saya belanja un-tuk keluarga," katanya yang menerima kunjungan Ziarah Kasih bersama Sukarelawan Jabatan Kebajikan Masyarakat (JKM) dan Biro Kebajikan Pemuda Urmno Bahagian Kuala Langat ke tiga Dun di Kuala Langat, semalam.

Penolong Pegawai Kebajikan Masyarakat Daerah Kuala Langat, Mohd Al Hafzi Abu Bakar berkata, dengan mengumpulkan 20 sukarela-wan kebajikan Daerah Kuala Langat, 20 pesakit diziarahi.



Norhayaton terharu menerima kunjungan pelbagai pihak termasuk Sulaiman (kanan) dan Al Hafzi (kiri), semalam.

Menurutnya, semua suka-relawan kebajikan yang mem-berikan khidmat bantu di ru-mah melakukan kerja secara sukarela dengan memberikan jagaan dan perhatian kepada klien masing-masing.

"Setiap sukarelawan akan ada tiga hingga empat klien di bawah kelolaan masing-masing. Khidmat mereka ini san-gat dipuji kerana keikhlasan menjaga klien sehingga men-tinggal dunia.

"Bagi saya, aktiviti ini amat menyentuh hati. Mereka yang benar-benar ikhlas dan derli-ksi serta berjaya kebajikan saha-

ja yang mampu melakukan-nya," katanya.

Mohd Al Hafzi berkata, JK M sentiasa siap siaga da-lam apa juga keadaan bagi memastikan perkhidmatan Jabatan Sukarelawan Kebajikan berada di dalam masyarakat selain menjadi mata dan tel-inga jabatan.

Katanya, sukarelawan ke-bajikan akan menyampaikan maklumat masyarakat yang memerlukan khidmat JK M se-lain seminggu sekali turun ke kawasan masing-masing un-tuk mendengar denyut nadi rakyat.

Sementara itu, Pengerusi Pembangunan Persekutuan Parlimen Kuala Langat, Datuk Sulaiman Mohd Karli berka-ta, program itu memberi keinsafan kepada pemimpin dan memberi kegembiraan ke-pada yang diziarahi.

Beliau berkata, pihaknya berharap akan ada lebih ramai lagi sukarelawan yang peduli kepada kumpulan masyarakat kurang bernasib baik.

"Saya tengok dan rasai sen-diri kepayahan pesakit di sam-ping sukarelawan berusaha membantu pesakit di rumah mereka," katanya.

## Api merebak dari stor

**TANJUNG SEPAT** - Sekeluarga terselamat apabila ke-dai komputer mereka terbakar dalam kejadian kira-kira jam 6.40 pagi semalam.

Mangsa, Wong Chiap Loong, 43, bersama isteri dan seorang anak lelaki berusia tujuh tahun yang terjaga da-ripada tidur di tingkat atas bangunan tersebut sempat menyelamatkan diri.

Menurutnya, dia perasan api mula merebak dari bahagian stor premisnya.

"Mujur kami selamat dan tiada ahli keluarga yang cedera," katanya.

Sementara itu, Ketua Balai Bomba Banting, Mohd Jaslizad Jليل berkata, pihaknya menerima panggilan tele-fon jam 6.56 pagi dan tiba di lokasi kira-kira 7.25 pagi.

Beliau berkata, seramai 15 anggota dari Balai Bomba Banting, Balai Bomba Sepang dan 20 anggota pasukan bomba sukarela Tanjung Sepat turut membantu.

"Hampir 85 peratus bangunan kedai dua tingkat itu musnah dan kebakaran berjaya dipadamkan sepenuh-nya kira-kira jam 7.36 pagi," katanya.

Mohd Jaslizad berkata, punca kebakaran masih dalam siasatan.



Anggota bomba memadamkan kebakaran di sebuah premis kedai komputer di Tanjung Sepat, semalam.

# Mohon doa tiada kejadian buruk

Fenomena air pasang besar mengejutkan, cetus kebimbangan penduduk sekitar

**KUALA LANGAT** - Fenomena air pasang besar yang berlaku kelmarin, di beberapa kawasan berhampiran pantai di sini, mengejutkan pelbagai pihak termasuk pengguna laman sosial Facebook yang berkongsi maklumat kejadian itu.

Tinjauan *Sinar Harian* di Pantai Morib dan Pantai Kelanang semalam mendapati, keadaan air laut masih sedikit bergelora dan tiada pengunjung dilihat mengadakan aktiviti di kawasan itu.

Bagaimanapun, kerja pem-bersihan tetap dilakukan pihak berkuasa tempatan (PBT) pada awal pagi berikutan pelbagai aktiviti hu-jung minggu dijangka dijalankan di kawasan pantai.

Menerusi Facebook Kuala Langat Community yang turut berkongsi air pasang besar sejak kelma-ri, beberapa kawasan termasuk di-alam pempiran Istana Bahagia, Kampung Endah, dan kampung-kampung di sekitar itu, telah menerima maklum balas ke-

### Message from JPS

mim ni d jangka air laut pang besar yg sgt luar biasa mohon doa agar kita d jauhkan bala bencana. aminn

JADUAL AIR PASANG DRPD JPS:  
18HB SEPT 2016 - 5.6M  
19HB SEPT 2016 - 5.5M  
20HB SEPT 2016 - 5.5M  
21HB SEPT 2016 - 5.2M

PENDUDUK DIMINTA SUPAYA BERWASPADA DAN MENGAMBIL LANGKAH-LANGKAH KESELAMATAN JIKA BERLAKU LAGI BANJIR AIR PASANG TINGGI SEPERTI YANG DIJANGKAKAN.

Pengguna aplikasi WhatsApp turut memuat turun gambar dan maklumat mengenai air pasang besar.

bimbangan dirasai pengguna laman sosial berkenaan.

Kejadian yang berlaku itu me-nyebabkan beberapa grup aplikasi WhatsApp turut memviralkan satu kenyataan memohon doa supaya tia-da kejadian buruk berlaku.

Sementara itu, Yang Dipertua



Dpn Istana Pantai Bahagia. Sgg Kg Endah

Smilan g pantai laut bergelora

Pg ni pun ribut

Abesla karat bwh kete

Mohon laluan info terkini. sila panjang kn pringatan kepada saudara sahabat kita yg berpotensi tuk

Viral berkaitan air pasang besar di laman sosial Facebook.

Majlis Daerah Kuala Langat (MDKL), Mohd Azhar Mohamed Ali berkata, pengunjung dinasihatkan supaya ber-hati-hati sekiranya mengunjungi pan-tai berhampiran.

Menurutnya, bagi mengelakkan



Tinjauan air pasang besar di Pantai Morib, semalam.

kejadian tidak diingini berlaku, pen-gunjung dinasihatkan supaya tidak mandi di laut.

"Kita juga menerima maklu-mat daripada Jabatan Pengairan dan Saliran (JPS) yang menjangkakan air laut pasang besar yang sangat luar bia-sa akan terjadi dan memohon doa agar kita dijauhkan daripada bencana.

"Jadual air pasang yang di-maklumkan pihak JPS iaitu pada 18

September, 5.6 meter; 19 September, 5.5 meter; 20 September, 5.5 meter dan pada 21 September, 5.2 meter," katanya.

Sementara itu, Pegawai Balai Bomba Banting, Mohd Jaslizad Jليل berkata, pihaknya sentiasa ber-siap sedia berdepan dengan segala masalah dan bergegas menyalurkan bantuan jika menerima panggilan kecemasan.